



Inatsisartunut ilaasortaq
Anthon Frederiksen
Partii Naleraq

Pattattut, pattattussat aamma ajoqissat ilinniartitaaneri, ilagiinni sulineq aamma ilagiit sinniisaat pillugit § 37 naapertorlugu apeqqummut nr. 049-mut akissutit

26-02-2016
Sagsnr. 2016 - 3728
Dok. nr. 2221423

Postboks 1029
3900 Nuuk
Tlf: +299 34 50 00
Fax: +299 32 20 73
Email: ilknn@nanoq.gl
www.nanoq.gl

Asasara Anthon Frederiksen

Naalakkersuisut ilagiinni pissutsit pillugit apeqqutitit qujassutigaat.
Naalakkersuisut Biskoppeqarfirmut paasissutissanik pissarsiniarsimapput.

1. Oqaluffiit ilaanni pattattoqarniarnikkut ajornartorsiutit Naalakkersuisuniit qanoq illiuseqarfigineqarniarpaat ?

Akissut:

Biskoppeqarfik organistinngorusullutik soqutiginnittunut immikkut ittumik pikkorissaanernik Uummannami, Qaanaami Ilulissanilu Palaseqarfinni aallartitsereerpoq. Pikkorisarnerit 2016-imi upernaap ingerlanerani ingerlanneqassapput ilimagineqarporlu sumiifinni arlariinni pattattussaaleqinermut annikillisaataassasut.

2. Ajoqissanik pattattussanillu ilinniartitsinerit aaqqissuulluangaanerusumik aaqqissuuteqqinneqarsinnaanera Naalakkersuisut qanoq isumaqarfigaat ?

Akissut:

Naalakkersuisut pattattusatut ajoqissatullu ilinniarnertit ilusilersorneqarneri naapertuut-tusoraat.

3. Ilagiit sinniisaasa ersarinnerusunik sulinerminni najoqqutassaannik Naalakkersuisut sullaqarsinnaanertik takorloorsinnaavaa-at ?

Akissut:

Naalakkersuisut pilersaaruteqanngillat ilagiit sinniisaasa najoqqutassaat allanngortis-sallugit, inatsisini piusuni ilagiit sinniisaasa najoqqutassaat ersarereermata.

4. Ilagiit sinniisaasa kajumisutsiminnik suliaqartutut Naalackersuisuniit isigineqarunnaassappata, inatsiseqarnikkut suut iluarsisassaappat ?

Akissut:

Naalackersuisuisut inatsisit piusut allanngortilersaanngilaat.

5. Ilagiit sinniisaannut qinersinerit kingorna, ilagiit sinniisaannik qinigaarlaanik pikkorissartitsisarnissat Naalackersuisunit qanoq pilersaarutigineqarpat ?

Akissut:

Ilageeqarneq pillugu inatsisip § 12-iani ilagiit sinnisaannut qinigaarlaanut pikkorissartitsisarnernut tunngasunik aalajangersagaqareerpoq. Aalajangersakkat imaapput:

”Provstit ilagiit sinniisaannut qinersisoqareernerani provsteqarfinni tamani ataatsimeeqqaarnissamut aggersaassapput, taakkunani peqataassapput siulittaasut aamma ilagiit sinniisaanni tamani immikkuutaartuni ilaasortaq ataaseq.

Imm. 2. Provsti ilagiit sinniisaannut inatsisit atuuttut naapertorlugit pisinnaatitaaffiinnik pisussaaffiinnillu ilinniartitsissaaq. Biskoppi ataatsimeeqqaarnerni tamani peqataasinnaavoq.

Imm. 3. Provstit ukiuni qinersiffiusuni ataatsimeeqqaarnerup qanoq ingerlanneqarnissaa pillugu Biskoppi isumaqatiginnissuteqarfigissavaat”.

Biskoppeqarfiup apeqqummut tassunga nalunaarutigaa provstinik suliasamat tassunga aappaagu qinersinissaq tikillugu piukkunnarsaaniartoqartoq. Ilaatigut allaaserisaaq suliarineqartoq qulequtaqarpoq: ”Kalaallit Nunaanni ilagiit sinniisaani inatsisitigut atu-gassarititat”

6. Ilagiit sinniisaasa sulinerminni aningaasaliiffigineqartarsinnaanerat Naalackersuisut qanoq isumaqarfigaat ?

Akissut:

Naalackersuisut Biskoppeqarfimmiit ilisimatinneqarput 2016-imi diagonalimik suliaqarnissamut 400.000 koruuninik immikkoortitsisoqarsimasooq. Diagonalimik suliaqarneq tassaavoq oqaluffiup isumaginninnikkut ikiorsiinarluni sulinera namminerlu piumassutisimik ilagiinnut iluaqutaasumik suliaqarneq.

Naalackersuisut inuiaqatigiinni diagonalimik suliaqarneq akuersaarpaat ilagiinnilu pineqartumut aningaasaliissutit pingaartillugit.

7. Ilagiit sinniisaasa qinikkatulli allatut pisinnaatitaaffeqarlutillu ataqqinassuseqarnissaat Naalackersuisut inatsisitigut qanoq ilillugu qulakkeersinnaavaat ?

Akissut:

Naalackersuisut inuiaqatigiit isiginninnerat ataqqinninnerallu inatsisitigut qulakkeersinnaanngilaat.

8. Ilagiit sinniisaasa qinikkatulli allatut qaammammut qinigaanersiuteqalersinnaanerat (vederlag) Naalakkersuisunit qanoq isumaqarfigineqarpa ?

Akissut:

Naalakkersuisut ilagiit sinniisaasa sulinerat pingaartippaat. Kommunalbestyrelsimiinnerli nunaqarfinnilu aqutsisuniinneq aamma ilagiinni sinniisuuneq annertuumik assigiinngis-suteqarput. Taakkua sukumiinerusumik allaaserineqarnerinut innersuussutigineqarpoq saqqummersitaq "Ilagiit aqunneqarnerat aaqqissuussaanerallu pillugit suleqatigiissitap nassuiaataa" (UKA 2007/53 qupp. 22), tassanilu takuneqarsinnaavoq Kommunimi nunaqarfinnilu aqutsisut kiisalu ilagiit sinniisaasa aaqqissugaanerit qimerlooraanni assi-giinngissutit erseqqinnerulertarput. Kommunini nunaqarfinnilu aqutsisut namminneq pisussaaffigaat aningaasartuutissanut missingersuusiorneq ilagiillu sinniisaat taamaa-liorsinnaanatik. Kommunimi pisinnaatitaaffinnut tunngaviusoq atorlugu kommunit annertuumik pisinnaatitaapput sumiiffimmi pisariaqartinneqartut isumagissallugit. Ilagiit sinniisaasa pisinnaatitaaffii inatsisitigut annertuumik aalajangigaapput, taamaalillutik ilagiit sinniisaat taamatulli pisinnaatitaaffeqarnatik tamatumunnga atasumik akisus-saaffeqarnatik. Kommuninut nunaqarfinnilu aqutsisunut ilagiillu sinniisaannut qinersisarnerit eqqartuussiveqarnikkut tunngavissarititaasut assigiit tunngavigalugit pisaraluarlutik, susassaqarfiit assigiinngitsorujussuupput.

Tamatuma saniatigut ilagiinni sinniisuuneq nammineq piumassutimik sulinermik sumiiffimmilu ilagiinni suleqataarusunnermik qangali tunngaveqarpoq tamannalu tun-ngavigalugu aningaasarsissutigineqassanani. Taamaattumik suleqatigiissitap inassutigi-sinnaanngilaa, ilagiit sinniisaanni ilaasortat suliaminnut tunngatitanik arlaatigut aala-jangersimasunik aningaasarsiaqartitaanissaat.

Inussiarnersumik inuulluaqqusilluta



Nivi Olsen



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apequt imaattoq saqqummiuppara:

Naalakkersuisunut apequt:

1. **Oqaluffiit ilaanni pattattoqarniarnikkut ajornartorsiutit Naalakkersuisuniit qanoq iliuuseqarfigineqarniarpaat ?**
2. **Ajoqissanik pattattussanillu ilinniartitsinerit aaqqissuulluangaanerusumik aaqqissuuteqqinneqarsinnaanera Naalakkersuisut qanoq isumaqarfigaat ?**
3. **Ilagiit sinniisaasa ersarinnerusunik sulinerminni najoqqutassaannik Naalakkersuisut suliaqarsinnaanertik takorloorsinnaavaa-at ?**
4. **Ilagiit sinniisaasa kajumisutsiminnik suliaqartutut Naalakkersuisuniit isigineqarunnaassappata, inatsiseqarnikkut suut iluarsisassaappat ?**
5. **Ilagiit sinniisaannut qinersinerit kingorna, ilagiit sinniisaannik qinigaarlaanik pikkorissartitsisarnissat Naalakkersuisunit qanoq pilersaarutigineqarpat ?**
6. **Ilagiit sinniisaasa sulinerminni aningaasaliiffigineqartarsinnaanerat Naalakkersuisut qanoq isumaqarfigaat ?**
7. **Ilagiit sinniisaasa qinikkatulli allatut pisinnaatitaaffeqarlutillu ataqqinassuseqarnissaat Naalakkersuisut inatsisitigut qanoq ilillugu qulakkeersinnaavaat ?**
8. **Ilagiit sinniisaasa qinikkatulli allatut qaammammut qinigaanersiuteqalersinnaanerat (vederlag) Naalakkersuisunit qanoq isumaqarfigineqarpa ?**

(Inatsisartunut ilaasorta, Anthon Frederiksen, Partii Naleraq)

Tunngavilersuut:

Ilagiinni sullissinerup pitsanngorsarneqaqqinnissaa pisariaqartoq 22. November 2015-imi Naalakkersuisut akissuteqarnerisigut (suliap nr. 2015-17674) takuneqarsinnaaginnarani aamma ilagiit sinniisaasa assigiinngitsutigut ujartuisarnerisigut takuneqarsinnaavoq.

Taamaammallu ilagiit sinniisaasa ulluinnarni sulinerminni ersarinnerusunik
najoqqutassaqaarnissaat aamma naliginnaasumik qinikkatut pitsaanerusumik isigineqarlutillu
ataqqinartumik atugassaqaartinneqaarnissaat pisariaqarpoq.

Ullut suliffiit qulit qaangiutinnginnerani akineqaarnissara kissaatingaara.